

重刊道藏輯要

九皇斗姥戒殺延生真經

淨咒八則

淨天地咒

上天下地 本無不平 自世好殺 劫運迭興

仰荷斗姥 說此寶經 調和兩大 復歸清寧

淨八方咒

太和四布 八方自安 山無崩圯 海不揚瀾

龍虎就位 雀武罔干 同焉效靈 衛我法壇

淨壇咒

道藏輯要

戒殺延生經

一 又斗集一

維此法壇 雖居塵界 靈文一展 萬聖咸在

嗟爾邪魔 毋犯我戒 靈霞現隨 斷不姑貸

淨身咒

勿謂身微 藐如稊粟 亭亭其表 珊珊其骨

惟慮莫知 悞蹈汙濁 敬宣聖謨 勝于齋沐

淨口咒

的的朱唇 出納之司 緣號葷穢 見棄神祇

一念改悔 聖賢可期 弗漱白潔 天實鑒知

淨心咒

丹臺僅寸 至虛至明 肉食斯鄙 遂致弗靈

何以滌之 無踰好生 充滿厥量 慈德惟馨
淨水咒

湛然杯水 不盈一勺 大海同歸 疇敢玩狎
洒成甘露 愁怨悉拔 一塵不染 與天相合
淨法品咒

法筵既張 法品咸備 泠泠者聲 嚶嚶者器
卽器卽聲 上聖默契 旦夕周圓 功德靡旣

道藏輯要

戒殺延生經

二 又斗集一